

Die Natur für sich selber bleibt:
 Erfahrung sie zu erkennen gibt.
 Nichts neues begibt sich jetzt auff Erden:
 Was gewest ist/ kan auch wider werden.

Vnd was gehets mich an / ob diß oder ein anders Galeni, Auicennæ, Guidonis, &c. meynung sey. Ist es doch zu ihrer zeit auch new gewesen / was sie herfür gebracht haben: vnd wer weiß / ob ihnen nicht auch eben das widerfahren sey / was heut diß tages denen widerfehrt / welche etwas neues (als sie reden) herfür bringē. Der Momus, welchem nichts rechts geschehen kan / hat ja zur selbigen zeit auch gelebt / dem sie ohn zweiffel nicht werden entgangen sein. Hierzu kommet auch noch dieses / das dieses Ortes viel auß Neid vnd Haß geschiehet. Darumb das beste hierinnen ist / daß einer diesen zufalle / vnd ihnen nachfolge / welche mit der Erfahrung am besten zustimmen / vnd mit iren Wercken die Kunst loben vnd bewehrē. So einer etwas bessers findet vnd erfahrt / ob es schon mit keinem Alten zu trifft / wer wolt im solches zubrauchen wehren? Aber hierbey wil ichs dißmals bleiben lassen / vnd hiemit diesem Ersten Theil / so von Mißbräuchen in der Wundartzney handelt / ende geben.

Ende des Ersten Theils.

Von